

Eqquiniaasitsinermi akileraarutit pillugit Inatsisartut inatsisaata allannguutissaatut Inatsisartut inatsisissaat

§ 1

Eqquiniaasitsinermi akileraarutit pillugit Inatsisartut inatsisaanni nr. 7, 31. oktober 1987-imeersumi, kingullermik Inatsisartut inatsisaatigut nr. 10, 13. juni 1994-imeersukkut allanngortinneqartumi makku allannguutigittinneqassapput:

§ 3-mi imm. 2-tut nutaatut una ilanngunneqassaaq:

"Imm. 2. Aningaasanik ikisilluni pinnguaatini ("tillinniani illuinnarmik talilinni") inimi ataatsimi ikkussorneqarsimasuni eqqukkat aningaasanngorlugit tiguneqartut kvartalikkaartumik katillugit ataatsimoortillugit nalunaarutigineqarlutillu akileraaruteqaataasassapput. Kvartalikkaartumik nalunaaruteqarneq akileraarutitullu akiliutit Akileraartarnermi Pisorta qarfimmu apuutereersimassapput kingusinnerpaamik kvartalip naanerani qaammatip tulluuttup naanerani. Immersugassaq Akileraartarnermi Pisorta qarfiup suliarisimasaa atorlugu nalunaaruteqarneq pisassaaq." Taamaallutik imm. 2 aamma 3 imm. 3-nngorlutillu 4-nngussapput.

§ 2

Inatsisartut inatsisaat manna 1. juli 1995 aallarnerfigalugu atortuulissaaq, eqquiniaasitsinernullu 1. juli 1995-imi kingusinnerusumiluunniit ingerlanneqartunut sunniuteqalissalluni.

Namminersornerullutik Oqartussat, ulloq 12. juni 1995.

Lars Emil Johansen

/

Daniel Skifte

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut